

深可戒忌

偏憎偏愛

傳曰偏憎偏愛世固有之而後妻尤甚情其莫悟我為人妻夫不幸死遽至棄去不復更恤其家諸釋吟亦不復問為妻為

母當如是耶婦人大節至此已喪其可更於後夫子女又敢虐過尚何以稱為人哉李常曰卓乎天下之習不能赦者程正叔一人而已龜山曰觀其論婦人再適至云寧餓死不可再適若不是見得道理分曉如何敢下這般言語大抵婦人大節惟此而已大節一喪復何足道請以一二因果以警世徐鉉曰建安有張興者妻死再娶前妻之子為後妻所虐興不能制一日忽見前妻入門責後妻曰人誰不死誰無子母之情爾奚為虐我所生我已訴于陰府與我十日限使自告汝汝若不改定當殺汝夫婦後妻大懼自此不復敢虐張聞娶孔氏生五子無何遂卒再娶李氏李氏悍妬虐遇五子五子哭于孔氏家前孔氏

忽自家出哭撫其子既而取其子帛中題

詩其上以贈張曰不念成故人泣涕每盈

中死生今已隔相見永無因合裏殘妝粉

留將與後人黃泉無用處浪作冢中塵有

意憐男女無情亦任君欲知腸斷處明月

照孤墳五子得詩以呈其父父以訴于連

帥連帥繳奏于朝李氏特配嶺南然則為

後妻者當如是乎偏憎偏愛是可用乎

贊曰

憎必知善 愛當知惡 所見一偏

是非顛錯 虛杞姦邪 德宗不覺

黨錮所懲 元禮孟博 欲得其平

好惡無作

太上感應篇卷之二十六

太上感應篇卷之二十七

李昌齡傳 鄭清之贊 退四

越井

傳曰漢天師既成道矣又復勸人造橋鑿

井謂之立功大抵井之為用利濟廣博越

而過之即為觸穢焉得無罪不聞吳湛李

鄆之事乎昔吳湛為縣吏所居臨荆溪溪

有一泉極為清徹眾人賴之湛為蔡羅遮

護不令穢入忽於泉側得一白螺置之甕

中每自外歸則甕中飲食已辨心大異之

一日潛窺乃一女子自螺而出手自操刀

湛急趨之女子大窘不容歸殺實告湛曰

吾乃泉神上帝以君敬護泉源且知君鯨

居命吾為君操饌君食吾饌當得道矣言

訖不見李鄆為河山令縣有河山巖巖半

有一脉清泉次第流注逐處各有一崖斛

承之如鑄出狀鄆一日携家出遊無何侍

婢雪兒輒就斛浣巾立為震霆所擊即而

視之則其斛已碎別安一斛於下流矣然

則井泉當遮護乎可觸穢乎比見世人多

不曉此故悉陳之

贊曰

伯益作井 清潔為德 養而不窮  
寒泉可食 奈何弗敬 視同瓦礫  
耿恭端拜 枯甕涌溢 有神司之

功利無極

越竈

傳曰按祭法王為群姓立七祀竈居群祀之中按月令四時共有十二祀竈居夏之三祀太上曰世間惟太一火神檢察世人善惡長短世人不知其觸犯者眾玄元通君曰奉吾道者醮祭家竈及祀拜先亡外不得淫祀他鬼天師門下科令者祀竈當用社日春向門左秋向門右黃帝曰凡欲求乞男女生產平安婚娶和合壽命延永學問聰明仕宦遷進人皆愛敬貴人權喜宅不虛耗家得平安舟車無虞田園稱意市易和合訟訴得直盜賊不侵口舌永息疾病痊安伏連斷絕呪誓解散瘟疫永除乃至糧厭破射祛逐虎狼皆嘗祭祀竈神

昔陰子方為人至孝又有仁恩適臘日晨炊忽見竈神現于其前子方再拜每值臘日即祠祀之自此大富比於邦君至其孫陰識有女為后遂得封侯是故陰氏子孫世世祀竈然則竈可越乎

贊曰

竈司火政 烹飪自出 有相之道  
祀典所秩 功在養人 釐爾家室  
登莫從事 可不祗栗 或取媚焉  
又溺方術

跳食

傳曰食者入口之物稍有不潔已自不可沉跳過乎昔盛文肅度以病入冥所見極昏黑恍然如行曠野道逢故相沈義倫曰喜君得還切煩語吾家人某死後頗以汗脚襪為苦及還呼沈之子諭之沈子但悲泣不已竟莫曉所謂汗脚襪者為何等事及服除微靈座乃見一綉繫繫掛在靈榻橫枕之上方悟汗脚襪者此也然則食可跌乎

躑

贊曰  
艱鮮之奏 天下為烈 利常用近  
一日不闕 利常則玩 用近則褻  
人苟無知 或致輕蔑 以食為天  
敬心毋越

傳曰貧富貴賤固若不同得具人形則皆一也其可輒跳昔劉溫叟以病命其子弟合藥藥中有使天靈骨者溫叟一見即愀然不樂亟命致其瘞于郊外翟林嘗送正叔先生西還道宿僧舍坐處偶背聖像先生曰轉倚勿背林曰豈以其徒敬之亦當敬耶先生曰但凡具人形貌皆不當慢龜山聞而大賞其語喜曰見似人者尚不敢忽則於人也從可見矣苟於似人者輒生慢易則於其流必至忽人彼跳人者能曉此乎

贊曰

德稟天地 秀鍾五行 人皆堯舜  
此性之良 由拱荷篠 禹式耦耕

仲尼大聖 猶畏後生 騎項蹈廁  
失德之萌

損子墮胎

傳曰按真武靈應募記舒州金部員外郎  
王亮家有一女患鬼胎二年不下父母憂  
慮求醫莫能審察其女覺而大怒乃於門  
中自縊空中聞人大叱曰不得枉了性命  
是汝宿債乃請法師于家設醮懸禱家事  
真武遂俄紅光附王氏言前生嘗為藥婆  
貨賣毒藥與人打取胎孕內有貴命枉殺  
尋復從墮卒難出離上帝震怒罰令永劫  
為恒沙毒蛇今只餘此一生人身昨日園  
中若不遇吾已為蛇矣又按郭普州記信  
可有女名引鳳初被二鬼追攝遍歷一十  
八獄每門各有一廳最後一門大書地獄  
二字有一王者坐一特殿殿下列數百婦  
人各有小兒抱捉號呼索命有孕兩三月  
而自毒其胎者有因挂麝香而偶至墮者  
有因爭鬪而觸損者有為精魅所擾而遂  
壞者有因怒兒啼哭打擲至死者有因視

兒不謹死 非其命者有因闌乳而死者王  
者一一詰問莫不桎梏在身枯瘠可憫引  
鳳既而得還具白其父信可因大書于天  
寧寺壁以為世戒然則損子墮胎是司為  
乎惜其不知人身至貴得人身者誠亦為  
難竊嘗涉獵外典但凡人死若非大善直  
生天堂大惡直入地獄半善半惡未有去  
處不免又受中有既受中有又須陰司注  
擬有可去處然後得生不聞邵康節同胎  
女子一墮胎後凡二十年始得受生又嘗  
兩現母前非中有乎不為難乎按如佛說  
神既入胎四種始立堅凝為地種潤澤為  
水種暖熱為火種動轉為風種趣母上藏  
之下熱藏之上五繫自縛如在革囊如在  
羅網起不淨想瑕穢想牢獄想晝夜惶惶  
急欲趨出母食多食少太膩無膩太熱太  
冷色欲過度當風差又游行馳走有所度  
越兒皆不安亦復受諸苦惱及生墮地或  
以衣受或以衾受若亦如之如是處胎始  
終三十有八七日於胞胎中自然生十一

種風關通整合使之筋脉肌骨機關孔竅  
皆得流通然後得成為人若以道家之說  
言之玉清之炁生人上一是為沆九上清  
之炁生人中一是為絳宮太清之炁上人  
下一是為丹田玄元始合為九炁生人九  
戶二十四炁生人二十四體三百六十神  
生人三百六十骨節八十一分神生人八  
十一關節東方八天七宿屬陽明生人三  
魂西方八天七宿屬陰精生人七魄南方  
八天七宿屬丹元生人天炁北方八天七  
宿屬北極生人玄津無量妙一結為紫戶  
天中王炁上為腦精每一月即有一天之  
炁下液如始一月鬱單無量天真胞命元  
一黃演之炁下液乃至第九月無想無結  
無受天嶽府命元自然玄照之炁下液是  
也九炁既液又有甲子水神為之調暢血  
脉潤澤三焦甲戌土神為之調理肌肉使  
不偏枯甲申金神為之堅固小齒養去其  
牙甲午火神為之和悅五臟混合百神甲  
辰風神為之保固胎息呼吸陰陽甲寅木

神為之濯鍊筋骨通貫百骸但凡一身之中五臟六腑筋骨髓腦皮膚血脉精臟水臟二萬八千形影一萬二千精光三萬六千出入八萬四千毛竅莫不各有其神若以北斗論之則一元所受百歲在生運之盛衰身之度數無非斗也當生之時九天司馬在庭九天為之稱慶太一為之執符帝君為之品命主籙為之勅籍司命為之定算五帝為之監生聖母為之衛房天真地祇三界備守經所謂得還人道權形太陽驚天駭地貴亦難言豈不然乎於爾何負而乃敢殺之罪其輕乎所以爾者不過以家業不厚而厭薄其多野合淫奔而急欲滅口今有平生無子或有而又復不育或有而身不及見或臨老而子已先死皆其報也

贊曰

厥初生民 爰字爰育 四極攸莫  
三綱以續 孰殘其生 使斃于腹  
虎不食子 仁性猶復 嗚呼人哉

忍彼荼毒

行多隱僻

傳曰隱僻者非止一事大抵淫亂人家最能損行潰倫亂種獲罪最重昔李登年十八魁鄉薦繼又連發三薦自謂狀元及第不足為難每自憤鬱時葉靖法師有道行通幽達冥無不驗者因熏沐詣師請問師曰俟為詢之他日為人上章過天門未聞見諸判官皆森列門外師試以登事叩之一曰某即主科舉者也李登初生上帝賜以玉印年十八魁鄉薦十九作狀元五十三作右相緣魁薦時窺一隣女事雖未諧因怒其父据以他事繫之于獄坐此展退十年降為第二甲第二十八人及再登薦橫役其兄屋基甚至與訟坐此展退十年降為第三甲第三十八人及三登薦在長安邸中淫一美婦懼其夫知先陷以罪坐此又展退十年降為第四甲第四十八人及四登薦又挑隣家室女屢與之合坐此帝怒責其不悛立命有司削其祿籍令皆

盡矣死在旦夕何望登第師還無所隱悉以告之登大沮尋以病卒嗚呼豈但一死而已哉異日受主便當得絕嗣之報政和間吳公路被攝至冥司主者命公路勘斷數囚囚皆美男子美婦人荷枷立庭下詢之皆姦事也公路罔然未知處決俄見一吏抱巨冊至公路揭開乃陰律也其辭曰姦人妻者得絕嗣報姦入室女者得子孫淫泆報即秉筆依律處判既而得還因與同舍生金景行言之遂聞于世今前街後市誇掉風流無相公等福可折不仁之輩並已見報屈指可數然則隱僻之行是可為乎

贊曰

古有隱惡 震廟必言 人行陰惡  
鬼神所誅 閻室屋漏 通道大鄰  
迹或容掩 心不可誣 幸人知過  
維德之符  
晦臘歌舞  
傳曰晦者月晦也乃司命竈君奏言世人

功過之日臘者五臘也乃五方五老五炁天君攢會生人善惡之日其日五炁天君朝會玄都統御人間地府五獄三萬六千陰陽之神校定生人善惡罪福榮祿壽算吉凶生死等事一籍于錄中正月初一

名天臘集於九炁青天安寶華林青龍閣中校定神炁時限長短及禱求胤嗣申達玄祖等事五月初五名地臘集于三炁丹天梵寶昌陽丹臺朱闕校定官祿福相血肉盛衰等事七月初七名道德臘集於七

炁素天七寶金門素靈時闕校定骨體枯盛學業文籍名官等事十月初一日名歲臘集於五炁玄天洞陰朝單鬱絕玄溢黑靈闕中校定祿料耗散官祿衰微壽算將盡疾病輕重變化飲食等事十二月臘日

名候王臘集於玄都洞元玉宸玉寶戊己金闕元始天帝上元八景殿中校定生死處所受祿分野遊魂惟夢乃至眾惡災祥否泰廷厄時日及驛馬衰旺等事高呼凡遇此日萬一有過一書黑簿罪可贖乎况

鄴郡北帝太陰天君亦於此日引出生人又遠先祖父母眷屬乃至幽獄鬼魂取問住在陰司年代遠近及問積罪結疊所致端由墳墓見在何處子孫名為何人既得子孫兄弟親姻九族名姓即攢集校定以

為生人罪狀如積劫未有追贖定當延累生人此日先靈眷屬皆得釋放各歸本家受領享祀為子孫者自當憑仗道法祭祀追贖信能如是按經所說幽冥之間一一得福然則晦臘之日當追贖乎可歌舞乎

贊曰

晦月之窮 臘歲之莫 歲月如流 光陰難駐 計吾所作 善惡何務 功過莫掩 內省知懼 酣歌于室 寧不敗度

朔旦號怒

傳曰按道藏初一日為朔十五日為望十八日為頰月盡日為晦凡遇是日皆當謹二炁交會又日月之三十三日二十三日月其夕三魂棄屍散遊于外月之朔望及

月晦日七魄亦復流蕩散遊于外上清真人曰晦朔之日當清齋入室沐浴塵垢正席而坐所以爾者檢制魂魄而消滅屍鬼也不睡尤佳玉燭寶典曰月之朔旦士女皆當滴裳斟酒於水湄以為度厄然則可

號怒乎大抵朔旦者月首也旦者又一日之首也如人一步之初一月所為端起乎此其可不謹況曠為功德劫賊最能燒人善根但曠火起時善念何在不聞唐若山以篤尚正真性無忿恚遂能親遇太上乎

贊曰

月旦曰吉 兆其嘉祥 告朝之禮 奉以饑羊 意在謹始 敬共以將 怒為悖德 焚和自傷 宜定奉宇 以發天光

太上感應篇卷之二十七